

**Taqi Pournamdaryan**

# KOMENTAR I TUMAČENJE UNUTARNJEG ZNAČENJA PRVOG GAZELA HAFIZOVOG “DIVANA”\*

Prvi Hafizov gazel može se nazvati savršenim primjerom i ogledalom koje u potpunosti odražava formu i sadržaj svih gazela njegovog “Divana”. Ovaj gazel sadrži sve ono što smo o Hafizovoj poeziji ranije rekli. Upravo zato, kako bismo dokazali ranije rečeno, ovdje ćemo predložiti komentar i tumačenje unutarnjeg značenja ove pjesme.

الا يا ايها الساقى ادر كاساً و ناولها  
که عشق آسان نمود اول ولی افتاد مشکلهها  
ببوی نافه ای کاخر صبا زان طره بگشاید  
ز تاب جعد مشکینش چه خون افتاد در دلها  
مرا در منزل جانان چه امن عیش چون هر دم  
جرس فریاد می دارد که برنیدید حملها

---

\* Gomshodeye lab-e darya dr. Taqi Pournamdaryan: Tehran, 2003. god.



otpočinjanje i završavanje polustihovima na arapskom jeziku ne ostavljaju mjesta sumnji da je riječ o irfanskoj ljubavi prema Bogu i nedaćama na putu duhovnog usavršavanja (seir o solūk). Ponavljanje sloga **هـ** (hā) na kraju svakog stiha djeluje poput bolnoga uzdisaja, na kraju kazivanja ispunjenog tugom. Kao što se vidi, ovaj gazel počinje stihom čija je jedna polovina izrečena na arapskom jeziku, a druga na perzijskom. Sličnim se stihom i završava, s tom razlikom da je u početnom stihu prvi polustih na arapskom, dok je u posljednjem stihu na arapskom izrečen drugi polustih. Dakle, pjesma počinje i završava se iskazima na arapskom jeziku. Kazivanje stihova čija je jedna polovina na arapskom a druga na perzijskom jeziku u perzijskoj pjesničkoj tradiciji nije originalna i posebne pažnje vrijedna pojava. Međutim, dostojna pažnje u ovoj Hafizovoj pjesmi jeste specifična upotreba ove vještine; čini se kao da je čitava pjesma okružena sa dva iskaza na arapskom jeziku. Ova specifična forma sama po sebi predstavlja jedan znak, nejezički znak koji svojim izgledom u čitaocu podstiče osjećaj o postojanju nekog posebnog značenja u njemu. Izgleda kao da je čitava pjesma jedan stih na arapskom jeziku, između čija dva polustiha su sažeti i umetnuti tema i sadržaji iskazani na perzijskom jeziku. Međutim, prvi polustih ovog arapskog stiha je usrdna molba govornika upućena slušaocu: krčmaru, zavrti čašu vina i daj mi je! Drugi polustih predstavlja odgovor krčmara: kad sretnoš onog koga voliš, okani se ovog svijeta!

Razlog ovakve usrdne molbe krčmaru da *dā pića* jest to što ljubav zaljubljenom pričinjava brojne teškoće, a odgovor krčmara je da je uvjet osjećanja prisustva voljene, odsustvo svega drugog osim nje. Dva termina “prisutnost” i “odsutnost”, kada se odnose na istu temu, suprotni su jedan drugom i njihovo objedinjavanje je nemoguće. Međutim, kada se odnose na dvije teme koje stoje u suprotnosti, na semantičkom planu upotpunjuju jedan drugog. Odsustvo zaljubljenog od sebe i svega osim voljene isto je što i prisustvo uz voljenu. Prema tome, uvjet prisustva je neodsustvo od voljene i odsustvo od sebe i svega ostalog. Odsustvo od sebe uvjet je prisustva uz Istinu. Odsustvo od sebe znači utruće ljudskih osobina i nestajanje pribranosti i svijesti. Drugim riječima, ostvarenje stanja pijanstva i nesvjesnosti, proizilazi iz smetenosti uma i čula. Kada Hafiz u prvom polustihu početnog stiha gazela od krčmara traži vino, to čini kako bi se







stvarno, leksičko značenje. Sve dok ove riječi svojim osnovnim značenjem učestvuju u stvaranju *genitivne veze poređenja* (ezāfe-ye tašbihī) ili *metaforične genitivne veze* (ezāfe-ye este'ārī), donekle je moguće proniknuti u njihovo preneseno značenje. Međutim, kada se one pojavljuju u govoru bez ikakve analogije i prerastaju u simbol, njihova zatomljena značenja, na ravni irfanskih pojmova, moguće je pretpostaviti samo na osnovu njihovih preovladavajućih karakteristika. Čaša, pehar ili drugi njihovi sinonimi, čijom su vezom između posude (zarf) i onog što je u posudi (mazrūf) može doći do riječi piće, vino i njihovih sinonima, u tesavuf i irfan su ušle barem od trećeg vijeka po Hidžri. Poznato je da je Zunnūn Misrī (umro 245.g. po Hidžri) po prvi put upotrijebio ovo značenje:

محبّ خدای را کاس محبت ندهند مگر آنکه خوف دلش را بسوزد و به  
قطع الجّامد.

Božijem muhibbu neće dati čašu muhabbeta sve dok strah ne sagori njegovo srce i ne presiječe vezanosti.<sup>2</sup>

Ovaj primjer pokazuje da je simbolički sufijski jezik, zbog prirode sufijskih iskustava i spoznaja koje se ne mogu smjestiti u okvir prirodne logike uobičajenog govora, još od samog početka težio ka oblikovanju. Kasnije, kada ovaj jezik stiže do sufijskih velikana poput Sanaija šejha Ahmeda Gazalija, Sohraverdija, Attara, Ruzbehana Baklija i Rumija, potpuno se širi i poprima fascinirajuću sposobnost i kapacitet. Hafiz, koji je u osmom vijeku naslijedio ovaj jezik pun simbola i tajni, uspio je da ga iskoristi u najvećoj mogućoj mjeri, te da umjetničku dvosmislenost i alegoričnost u svojoj poeziji odnjeguje u jezgrovitost i udivljenost tako da u njegovom kazivanju svako vidi vlastiti odraz.

Dakle, u irfanskoj perspektivi piće je moglo da bude simbol bilo čega što, poput pića, opija i van sebe čini sufiju – putnika na putu tarikata. Muhabbet, ljubav, zanos, sufijska spoznaja, božanska nadahnuća, kazivanja pira, ukazanje ljepote Voljene, njena ljubavnost i naklonost, i

<sup>2</sup> Nikolson Rejnold, Peidāyeš wa seir-e tasawwof, prijevod Mohammad Bāqer Mo'ayyan, Entešārāt-e Tūs, 1357. h.š. str. 50.









jedne i patnje i nevolje, s druge strane, iskonsko je predodređenje koje se, kao motiv na ovdje objašnjen način, ponavlja u svim irfanskim djelima. Kako okončanje razdvojenosti i ponovni susret zavise od epske borbe sa nefsom i odricanja od svih vrsta sklonosti kojima teži čovjekova nefsanska i životinjska dimenzija, mogu se naslutiti teškoće tarikatskog puta, koji predstavlja put odricanja od ovozemaljskih sklonosti.

Kako smo već ranije rekli, riječ **آخر** (āxer) upućuje **ذهن** na riječ **اَوَّل** (awwal). Upućivanje na riječ **اَوَّل** (awwal) praćeno je riječju **آسان** (āsān). Na početku je čovjeku bilo lahko da, nalazeći se uz Boga (dar mahzar-e xodā), prihvati ljubav. Na kraju, kad vjetar Saba iz kose Voljene razaspe miris, teškoće se razrješuju i postaje lakše. Dakle, teškoće, nedaće i patnje smještene su između **اول** (awwal) i **آخر** (āxer). Drugim riječima, na položaju **إِنَّا لِلَّهِ** (innā lillāh) sve je lahko, odgovara našim željama i nema nikakvih teškoća. Na položaju **إِلَيْهِ رَاجِعُونَ** (ilayhi rāġi'ūn), tj. ostvarenju ponovnog povratka čovjeka Bogu, također je lahko, po volji i bez teškoća. Poteškoće su između tog **اول** (awwal) i **آخر** (āxer), tj. tačno u razdoblju protjerivanja iz Dženneta i življenju kao čovjek, daleko od Voljenog. Dužina te razdvojenosti, kada je u pitanju čovjek – pojedinac, jednaka je dužini njegovog života, a kada je u pitanju čovjek – vrsta, jednaka je dužini historije njegovog postojanja na ovom materijalnom svijetu.

Kao što smo vidjeli u prvom stihu, Hafiz zaokupljen nedaćama u ljubavi, u isto vrijeme od Voljenog traži pomoć. Traženje pomoći je molba za ukazanjem (taġallī) Voljenog, kako bi, uživajući u trenucima *duhovnog* **عِيش** ('eiš-e rūhānī), pronašao novi podstrek i nadu za nastavak puta i podnošenje teškoća. Izražavanje ovog stanja i traženje takve pomoći podstiče asocijacije i ukazivanje teškoća koje su saliku odredile takav položaj i atmosferu.

Drugi stih: **به بوی نافه ای...**

Od drugog stiha, Hafiz pripovijeda ono što mu je, putem spomenutih asocijacija, prisutno u svijesti i zaokuplja um. Poetska pripovijest u kojoj su izmiješani **خود آگاه** i **نا خود آگاه** sadržaji skriveni u **سبّال** mentalnom procesu – proisteklom iz snažnog emocionalnog uticaja, te mitološki



prostorom koji građevinu štiti od kiše, kosu spuštenu na čelo nazivaju **طره طره** također označava i pokrajnji dio bilo čega. U Hafizovoj poeziji, njeno poznato i uvriježeno značenje je “valovita kosa”, te “kosa spuštена na čelo”, i u tom značenju ima **تناسب** sa riječima **تاب** i **زلف**, čije je jedno od značenja “valovitost kose”.

Za riječ **طره** zabilježeno je i značenje "buket cvijeća". U ovom značenju, riječ **طره** je u bliskoj semantičkoj vezi sa riječi **بو** u značenju "miris", kao i sa sintagmom "vjetar Saba". U ovom značenju, riječ **طره**, tj. "buket cvijeća", može se uzeti kao metafora za Voljenu i ovako, na površinskoj ravni, tumačiti stih: nadajući se da vjetar Saba puhne, i donese miris tvogega lica i razgali **مشام** moje duše, zbog valovitosti tvoje mošusom namirisane kose – što je prekrila i sakrila tvoje lice – kakve sam sve patnje podnosio! Kako je već ranije rečeno, riječ **تاب** ima različita značenja. U drugom stihu prvog gazela, koji je predmet naše rasprave, željeno značenje je valovitost. U značenju "tuga" i "muka" ova riječ je u semantičkom **تناسب** sa alegorijskim izrazom **خون در دل افتادن**. Valovitost kose Drage vjetru Saba onemogućava da rasprši miris mošusa iz njene kose, te uzrokuje da zaljubljeni ostaje uskraćen za taj miris i podnosi tugu i patnju, jer se vlata valovitih uvojaka kose teško razdvajaju jedna od druge i tako lahko vjetru Saba ne prepuštaju miris mošusa.

U svakom slučaju, riječ **مشک**, zbog prijatnog mirisa i crne boje, a i **نافه** u metaforičnom značenju mošusa, u perzijskoj poeziji su poznat i frekventan **به مشبه** za kosu Voljene. Osim toga, mošus je jedan od sastavnih dijelova **غاليه** (galije), miomirisne tvari sačinjene od više različitih prijatnih mirisa, koja je upotrebljavana za namirisavanje kose.

Kako se valoviti soluf pri puhanju povjetarca lahko ne raspršava, više i bolje je čuvao miris mošusa ili to je vjetru Saba otežavalo da vlata valovitog solufa Drage razdvoji i rasprši ugodan miris. Zbog toga i uvojak (چين) solufa Drage – čiji se zanosni **ايهام**, kako u značenju "valovitost solufa" tako i u značenju "Kina" i "rudnik mošusa", Hafiz trudi da nikad ne zanemari – u Hafizovoj poeziji mjesto i mošusa.

- Saba je vjetar koji dolazi sa istoka i obično je svjež i blag. Takvu sliku vjetra Saba nalazimo u najstarijoj perzijskoj enciklopediji, djelu



također i "položaj", "faza". **جانان** (ġānān) znači "voljena". Genitivna konstrukcija **منزل جانان** (manzele ġānān) može se tumačiti na dva načina. Prvo: u značenju **منزل**-a koje pripada voljenoj i u tom slučaju ekvivalent je sintagmi "odmorište voljene". Putnik na ovozemaljskom putu može stići do takvog odmorišta i u njemu stati. U ovom značenju i voljena je ovozemaljska voljena, koja ima određeno mjesto, mjesto do kojeg može stići i zaljubljeni i na njemu zastati.

Međutim, **منزل جانان** (manzele ġānān) u drugoj varijanti, znači "mjesto i vrijeme zastajanja voljene". U ovom slučaju, to mjesto i vrijeme predstavljaju jednu od faza duhovnog puta. Fazu u kojoj duh, na jedan trenutak, kuša **شهودی** susret sa Voljenom. Stizanje do ove faze i susret s Voljenom ne ovisi od volje zaljubljenog salika, već od volje Voljene. Do Njene je volje da li će saliku – zaljubljenom ukazati naklonosti i podariti isijavanje ukazanja svoje ljepote ili riječi, zato što je *stanje* (hāl) Božiji dar koji se ne može steći i zavisi od salikovog nastojanja; vezan je za **لطف** i naklonost Voljene, a u isto vrijeme je poput munje što bljesne i nestane. U ovom značenju **منزل جانان** (manzele ġānān) je jedan od stupnjeva na putu ka Voljenoj i, ustvari, ga treba tretirati kao vrijeme i mjesto i svjetlosnog odsijevanja (taġallī) bića Voljene pred zaljubljenim. **منزل جان** (manzele ġān) mjesto je gdje duša zaljubljenog, tj. salika, ostvaruje iskustvo opažaja munje svjetlosnog odsijevanja Voljenog, a **منزل جانان** (manzele ġānān) je mjesto na kojem ta munja pogađa zaljubljenog salika, i to je ono "vremensko mjesto", odnosno vrijeme iskustva **شهودی** susreta (wasle šohūdī).

U **منزل جانان**, tj. kratkim trenucima susreta sa Voljenom, pjesnik ne osjeća sigurnost u lijepim trenucima i duhovnom uživanju jer, budući da se radi o prolaznom stanju, ono ne traje dugo i salik ubrzo dolazi k sebi. Ponovo mora nastaviti dug i mukotrpan put, nadajući se prispijeću do drugih duhovnih postaja (maqāmāt) i ponavljanju tih trenutaka. Riječ **عیش** ('eiš), značenja "život", "život ispunjen radošću i uživanjem", predstavlja i sufijski termin. U tom smislu, **عیش** ('eiš) označava trenutke kada sufija osjeća da je uz Voljenog. Drugim riječima, tegobni put tarikata





na njegovo ovozemaljsko biće.\* Prema tome, čovjekovo savršenstvo i njegovo ponovno rođenje radi boljeg, duhovnog života prikriveno je u njegovoj smrti; smrti izabranoj, koja pretpostavlja iščeznuće svih ljudskih svojstava, između ostalih osjećaja boli, patnje, tuge zbog nedaća, kao i postojanja poteškoća na putu. Prolazak *putem* (tarīqat) i ulazak *u zbilju* (haqīqat), prolazak je kroz kapiju *nepostojanja* (nīstī), negacije i potiranja svih osobina ljudskog roda i svih njegovih potreba, te ostvarenja potpunog duhovnog *siromaštva* (faqr). Kako kaže Bajazit Bistami, **إذا تم الفقر فهو الله**\*. Sigurnost u užitku ostvaruje se tamo gdje zaljubljeni nestane u Voljenoj, tamo gdje sveza zaljubljenog, Voljene i Ljubavi zatre bilo kakav osjećaj potrebe. Shodno tome, sve dok zaljubljeni putnik ne stigne do ovog cilja, prisutni su i njegova ljudska svojstva i um, a sve dok ima njih, traje i put, i osjetni su patnja i tuga. U takvom stanju, sigurnost užitka je neostvarena.

Četvrti stih: **به می سجاده رنگین کن**

U prvom stihu čuli smo Hafizovu molbu Voljenom i vapaj za pomoć zbog teškoća puta. U drugom polustihu istog stiha iskazan je razlog takvoj molbi. Kazivanje razloga molbe i zahtjeva – a to su nedaće na putu ljubavi, koja se u početku činila laskom – ustvari je prihvatanje i potvrđivanje istinitosti riječi Voljenog, Koji čovjeka, zbog prihvatanja tereta amaneta što ga nisu prihvatili ni zemlja niti nebesa, naziva mučiteljem samog sebe (zolūm) i nezalicom (ġahūl); Krčmar, tj. Voljeni, je upućen u sve, i zna za nedaće i muke sa kojima se suočava tražitelj duhovnog savršenstva i iskreni zaljubljenik. Od drugog stiha, nakon molbe, traženja pomoći, prihvatanja i potvrde istinitosti riječi Voljenog, u pjesniku se bude asocijacije na patnju i teškoće puta ljubavi, te razlozi i motivi prihvatanja i nastavljanja tog puta, što pjesnika dovodi do trenutka molbe i traženja pomoći od Voljenog. Čini se da Hafiz u drugom stihu daje odgovor na unaprijed određeno pitanje što se nameće kako njemu samom tako i drugima. To pitanje glasi: zašto čovjek, slab i nemoćan, treba da teži susretu sa Voljenim Čija je moć beskonačna? Taj prema sebi nepravedni, neuki čovjek, koji je iz neznanja samom sebi načinio nepravdu i prihvatio teret amaneta ljubavi, s kakvom nadom korača na putu duhovne ljubavi i u srcu priželjkuje Susret?



smislu. Ovaj izraz predstavlja naglasak na potrebu slijedenja i potpune predanosti pirovim naredbama. Generalni motiv stih naglašava bespogovornu pokornost piru, a ne kvalitet i **مصداقهای** njegovih naredbi. Pir zna kakve sve prepreke stoje na putu salikovog stizanja do cilja i zna kakve sve okolnosti mogu dovesti do **رعونت** nefsa i spriječiti odricanje od egoizma. On također zna da, sve dok sklonosti koje iz navedenog nastaju ne budu uklonjene, neće se otvoriti okovi sa pera i krila zarobljene ptice istinskog *jastva* (man), tj. nebeskog porijekla čovjeka. Zbog toga pir drži dopuštenom svaku vrstu odgoja i poduke koji čine pretpostavku za slamanje oholosti nefsa i njegovo uklapanje tokom **تهذيب** i *pročišćenja* (tazkiye) salikove nutrine.

Tesavuf nije u opreci sa naukom, niti pobožnošću i staranjem nad šerijatskim propisima. Tesavuf je protivan oholosti koja se može pojaviti usljed bavljenja naukom i pobožnjačkog života. Sa stanovišta tesavufa i irfana, obožavanje Boga ostvarivo je uzmaknućem od samoobožavanja. Sloboda je ostvariva u robovanju, i sve dok se ne oslobodiš od robovanja svemu što nije Bog, nećeš stići do položaja Robovanja i Slobode. Ako pir saliku naredi nešto što se kosi sa Šerijatom, time se ne želi povrijediti svetost Šerijata, već potrti **رعونت** nefsa i omogućiti oslobađanje iz okova robovanja druge vrste.

Ukoliko svaki pjesnik, na osnovu vlastite ličnosti, iskazuje veću osjetljivost spram jedne ili više pojava, glavni činilac i podstrekač Hafizove emocionalne osjetljivosti su *licemjerje* (riyā) i *prijetvornost* (tazāhor), a gađenje nad licemjerjem sačinjava središnji nukleus njegovih emocija. Baš zato, osnovni razlog za Hafizovo protivljenje sa šejhom, sufijom i zahidom njegovog doba, nije ništa do njihovo licemjerje. Licemjerje koje se svodi na neiskrenosti u činjenju i govorenju, shodno prohtjevima nefsa, zajednička je osobina svih onih s kojima je Hafiz u sukobu. U Hafizovom "Divanu" brojni su dokazi o tom sukobu sa licemjerjem. Sve to nije posljedica ničeg do pjesnikove emocionalne osjetljivosti na spomenutu **ذمیه** moralnu osobinu.

Refleks društvenog morala u svijetu Hafizove poezije pokazuje da je licemjerje predstavljalo dominantnu osobinu u moralnom **روحیه** njegovog doba.

Peti stih: **شب تاریک و بیم**...



Prema tome, kako bi onaj što stoji na sigurnoj obali mogao znati o stanju utopljenika koji se našao u čeljustima smrti?

سبکباران ساحلها (sabokbārāne sāhelhā), koji ne razumiju stanje utopljenika u moru, u zavisnosti od toga da li stoje na obali sa ove ili druge strane, daje dva potpuno različita značenja. Oni koji stoje na obali s onu stranu mora ili su preko mora prešli i prevladali sve morske opasnosti ili na ovu stranu obale nikad nisu bili ni došli, da bi tugovali u želji za povratkom na obalu s druge strane. Na osnovu rečenog, prvu grupu čine oni koji su stigli do *kraja puta* (rasīdegāni) i trajno su *vezani* (wāselān) za Voljenog, tj. savršeni pirovi što su okončali tarikatski put i izbacili se od njegovih nedaća. U drugu grupu spadaju *meleci* (fereštegān), koji nemaju materijalnu (xākī) dimenziju i, prema tome, oslobođeni su od podnošenja materijalne tegobe ljudskog postojanja i *velikog džihada* (ḡehāde akbar), borbe sa nefsom. Jednodimenzionalnost bića meleka ne ostavlja mogućnost za nastanak i pojavu ljubavi, koja predstavlja zamajac evolucije u uzdizanju iz prizemne (post) u višu (bartar) sferu egzistencije, i u čovjeku je, s obzirom na dualitet čovjekovog bitka, prožeta opažanjem (šo'ūr) i svjesnošću (āgāhī).

Međutim, سبکباران ساحل (sabokbārāne sāhel) nisu duhovni vodiči (pīrān) koji su prešli tarikatski put i stigli do Izvora, Voljene, zato što pir nije neupućen u stanje salika i, pošto je i sam iskusio i podnosio teret putovanja, od svih je upućeniji u nedaće i teškoće puta duhovnog usavršavanja i borbe sa nefsom. Prema tome, *bezbrižni na obalama* (sabokbārāne sāhelhā) su ovom svijetu okrenuti, u ljubavi neupućeni koji stoje na obali sa ove strane mora. Predmet njihove ljubavi su ovozemaljska uživanja. Stoga su oni sljedbenici vlastite *posrnule duše* (nafse ammāre) a ne borci protiv nje. Ukoliko ih i obuzima tuga, u pitanju je tuga ili strah od džehenemske patnje ili želja za doseganjem dženetskih blagodati. Njihovo pregnuće nije radi stizanja do Istinskog, Voljenog, što zahtijeva zatiranje nefsa i odricanje od zadovoljstava i zaboravljanje sebe.

Rekli smo da elementi poput tamne noći, talasa i zastrašujućeg vrtloga, koji obilježavaju sliku prvog polustiha ovog stiha, ustvari imaju opisnu ulogu. Uz pomoć ovih elemenata slika se uznemirujući stravičan prizor što prikazuje duhovno stanje pjesnika ophrvanog nedaćama ljubavi. Tarikat









da bude razlogom omraženosti. Hafiz u brojnim stihovima ukazuje na svoj neuspjeh na tarikatskom putu, tj. nedosezanje **فنا في الله** (fanā fi Allāh) i trajne sjedinjenosti, čiji je rezultat **بقا** (baqā) nakon **فنا** (fanā) i obistinjenje ponovnog rođenja.

Kako se vidi, nestizanje do cilja i neslijeđenje pira ne dovode do omraženosti i osramoćenosti. Kako se može zaključiti iz drugih primjera u Hafizovom “Divanu”, omraženost proistječe iz *boemstva* (rendi) i samopokude (malāmat nemāyī), koje su rezultat hinjenja neuobičajenih, Šerijatu protivnih postupaka. Najčešći i najizrazitiji postupak takve vrste je odlaženje u mejhanu i harabat i pijenje vina.

Odlaženje u harabat, bilo radi slamanja nefsā i bijega od omiljenosti među ljudima, što samo podstiče na oholost nefsā, bilo radi neizbježnog izlaganja ljubavnim nedaćama i **فتنه ها**, uzrokuje omraženost.

Ukoliko istinski murid na putu ljubavi misli samo na Voljenog i ne **پروا ندارد** ikome osim Njega, prirodno je da neće razmišljati o vlastitoj ovozemaljskoj koristi, te da će zanemariti oprez i ono što od njega očekuju ljudi.

Hafiz ne vjeruje pirovima svoga vremena, niti ih poštuje zato što se oni, zarobljeni u lancu nefsā, u isto vrijeme razmeću ljubavlju (mahabbat) prema Bogu. Zar to što su odabrali put sigurnosti, njihova sigurnost od osramoćenosti i omraženosti među ljudima, što je rezultat razmišljanja i procjene vlastite ovozemaljske koristi na riječima i djelu među ljudima, nije samo po sebi dokaz da je njihova tvrdnja lažna? Njihovoj prividnoj skromnosti cilj je samo to da izbore što povoljniji položaj među ljudima. *Tu je Istina* (Haqq) samo povod i sredstvo za prevaru ljudi (xalq).

Hafizov pir je *pir magova* (pīre moġān), vezan za piće, boemstvo i omraženost. Ta omraženost vidljiva je iz njegovog imena. Hafizova neraskidiva veza, u svijetu njegove poezije, sa pirom magova, tj. pićem, mejhanom i harabatom, sama govori o njegovoj omraženosti, a ta omraženost svjedoči o njegovom tesavufu ljubavnog karaktera, koji je na omraženosti utemeljen. Ustvari, kada je sam Hafiz na zapovijed pira magova – koji je produkt Hafizovog **تصور**-a i u stvarnom svijetu ne postoji – sedžadu zaprljao vinom, drugim riječima svojevoljno počinio prekršaj, i o tom njegovom činu počese da razglabaju po sijelima, osramoćen je i omražen.





